

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՁԵՌԱՄԲ ՕԾՎԵՅ ՄԱՐՄԱՐԱՇԵՆՆԻ ՆՈՐԱԿԱՌՈՒՅՑ Ս. ԳԵՎՈՐԳ ԵԿԵՂԵՑԻՆ

Նոյեմբերի 4-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը մեկնեց Արարա-
րի մարզի Մարմարաշեն գյուղ՝ կապարելու նորակառույց Ս. Գևորգ եկեղեցու օծումը:

Վեհափառին ուղեկցող շքախմբին, որի մեջ էին բարձրաստիճան եկեղեցականներ և
Մայր Աթոռի միաբաններ, եկեղեցու մուրթի մուր դիմավորեցին Արարաբայան Հայրապե-
տական թեմի առաջնորդական փոխանորդ Ս. Նավասարդ եպս. Կճոյանը, թեմի հոգևոր
դասը, թեմական խորհրդի անդամները, փեղական իշխանությունների ներկայացուցիչներ,
ինչպես նաև հավաքացյալների խումներում բազմությունը:

Հանդիսավոր թափորը «Հրաշափառ»-ով մուրթ գործեց եկեղեցի, ուր, Նավասարդ
Սրբազանի ողջույնի և բարիգալստյան խոսքից հետո, Ամենայն Հայոց Հայրապետը, իբրև
ընթերակներ ունենալով Ս. Շահան արքեպս. Սվաճյանին և Ս. Նավասարդ եպս. Կճոյա-
նին, Սրբալույս Մյուռնունով օծեց նորակառույց եկեղեցու Սուրբ Սեղանը, իսկ այոներն ու
Մկրտության Ս. Ավագանը օծեցին ընթերակա Սրբազանները:

Օծման արարողությունից հետո Նորին Սրբությունը Հայրապետական սրբապատ Կոն-
դակով եկեղեցու բարերար, մոսկվաբնակ Սերգեյ Կազարյանին շնորհեց Հայ Առաքելական
Սուրբ Եկեղեցու բարձրագույն պարգևը՝ «Ս. Գրիգոր Լուսավորիչ» շքանշան: Ապա Վեհա-
փառ Հայրապետին իր շնորհավորանքի խոսքը և հայրապետական պատգամը հղեց ներկա
հյուրերին և եկեղեցում հավաքված մեծաթիվ հավաքացյալներին՝ բարձր գնահատանքի
արժանացնելով Ս. Նավասարդ եպս. Կճոյանին, բարերարին և եկեղեցու կառուցմանը
նպաստած բոլոր անձանց: «Մենք հավատում ենք, որ հավաքքով կառուցված այս եկեղե-
ցու սրբազան խորանից պիտի օրհնություն և լույս սփռվի Մարմարաշեն գյուղի մեր հավա-
քացելոց կյանքից և օջախներից ներս», - նշեց Հայոց Հայրապետին իր խոսքում:

Ի նշան օրհնության, Նորին Սրբությունը նորած եկեղեցուն նվիրեց Ս. Հաղորդության
սկիյի:

**ՄԱՅՐ ԱԹՈՌ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ**